

清容居士集

十一

清容居士集卷第十四

絕句

五言

六言

挽詩

雜詩附



雙鴈圖

秋風限南北何事往來頻並宿寒蕪際應
憐自在身

六月二十四日夜夢剡源師同游

山寺主僧延入丈室出梅花畫卷

賦詩旁有胡用章先生坐主僧下

時剡源對席僕居其次案上綠竹

一枝青翠可愛剡源賦詩梅即援

筆

清容居士集卷十四

一白不受采重玄今罷論窓前有綠竹密
雪打黃昏

漁樵問答圖

翠嶺邀黃鳥蒼波玩白鷗偶因平地坐始
識世間愁

新安郡嶺南十詠

清江釣月

神魚竊金液為龍復為光平波無纖雲有
餌不肯嘗

斜側龜背戲高下魚麗圖阿童踵其後黃犢為前驅

蒼峯卓筆

仰手判虛空昭回爛星斗遂令山下泉復作之玄走

碧巘舒屏

古藤青步障曲曲靜相宜春晚巖花發生綃印折枝

楓林巢鶴

清容居二集卷四

二

絕頂秋聲急盤旋作我家不須金掌露且服赤城霞

雪澗浮龜

飛湍齧雲根千載見五色中有九九文舉世人不識

峻嶺扶車

前行已可戒後行復何如懷哉王陽生靜言表其間

圓岡揭斗

晞髮步上帝空巖泣山妖歷歷化為石喬

松導前杓

古寺垂虹

飛虹飲長澗垂首不能收僧從背上行水流橋不流

雙溪合璧

鳴玉抱山根上有金蟾翁指揮鐵如意化為雙白龍

子昂蘭竹墨戲

玄霜落銀繭飄飄湘江佩服媚疑褻之碧窓靜相對

清客居三集卷一百

三

迸地麟角精摩空鳳毛聳寒泓散晴煤桃李爭色動

題龍湔圖

玉淵發靈籟摩盪超九天調鉛靜召之帖首在我前

寒松翳幽篁得意當路隅急以真一乘坐令侍瓊琚

墨竹四絕

蹇蹇凌雲志霜餘節更存春風宜管領生意屬兒孫

右老

奮雷初出地承露已凌煙願從朝元駕為
旄拂九天妙道林煥右嫩香似無別思
直道犯無隱虛心明且清側身思遠舉巖
壑養深情東千巖急右風世聖財不侵
曉沐換新綠萬采成空塵守黑心不緇同
玄道彌真 右雨

墨蘭蕙四絕

金明秋林清月白楚天碧美人眇愁予服
媚永今夕 計好於人玄筆何吹昧夫人對
采芝不成仙食薇難療飢結茲以為佩臨

清容居士集卷四

四

風醉湘纍

天香落銀楮秋聲入玄筆何如湘夫人促
軫鼓靈瑟 前月白楚天碧美人對
組綬何承承琲珠復纍纍相視不以色紛
披暎簾帷

題悟律師詩卷

萬樹叢雲裏千巖急雪時世塵俱不到端
坐誦君詩 且前開長思遠舉
壞衲翻經帙匡牀點律科看山無限思一
一付吟哦

子昂枯木竹石圖
亭亭木上坐楚楚湘夫人因依太古石融
液無邊春

六言

厚齋先生以詩借玩辭次韻

項子沈冥學古芸芸萬變觀爻閉閣清香
宴坐斯人端可神交
已悟長年坎離更窮逆數先知補亡已滿
三篋問事誰携一箬

題湖曲小景

穆陵御
題詩句

流水無言寂寂落花有意氤氳往事空餘
華屋倚闌愁絕江南

送鄧師禹歸龍虎山

小帽飛花一寸輕舟流水三分落日獨歸
洞口隔溪短笛猶聞

獐猿圖

細草豐茸古洞斜柯歷落寒雲信道乾坤
消息端湏類聚同群

孤雲

在水同源一色出山萬緒千條欲趁驟鷹

整整更同笙鶴飄飄
規矩方圓在手輕清重濁隨形宋子不須
苦賦屈生為我揚靈
白鴈侶憐片影碧潭深暎無心獨上紫霄
峯半參差吹徹飛吟

題陳文翁畫扇

淡淡孤花欲笑娟娟雙蝶疑愁無柰寒蟬
得意竟專落日啼秋

題美人圖

西施

清客居二集卷五

辭家已意存越入宮誰解圖吳故苑秋風
麋鹿扁舟夜月江湖

昭君

鬢影愁添塞雪花枝羞殺宮春誰道佳人
傾國解從絕域和親

馮妃

目送亭亭秋水腰迴款款春風為問下車
搏虎何如御坐當熊

班姬

望幸眸凝秋水倚愁眉羨春山已悟篋中

紈扇須看鏡裏朱顏

洛妃

可怪夢中說夢底須愁裏添愁落日春風
王子多情不解綢繆

綠珠

金谷煙迷清曉玉簫春怯餘寒可恨花鈿
委地當時莫倚危欄

壽陽

一片花飛宮裏十分春滿眉端底用流酥
點綴更煩圓玉搓團

張麗華

結綺塵空樓暗景陽春斷鍾遲紅葉無言
在手同成井上臙脂

次韻潛昭焚香

意絕豈能生慧心清定解通神一穗黃雲
滿几故將綺語撩人

甲煎煙消吐艷鷓斑湯暖凝脂道人機心
已盡清坐唯餐兩梨

紙帳溫雲如醉綺樓春夢成虛知見何須
盡絕詩成要是禪餘

宮樣昔傳心字羅紋指甲爭工往事桃花
流水黃塵蔓草寒風

潛昭九日贈龍團次韻

月張舊裁玉胯雲爐溫浴銀芽九日殷勤
相贈淡羅猶記金花

閱世已成清玩傳觀那識餘甘寶篋政須
千巖瓷甌未許同參

題伯庸所藏子昂竹石

伯夷清宜典禮子路勇誠冠軍日落虎驚
沒羽潭幽龍走凌雲

清容居士集卷四

曾中丘壑玩世眼底煙雲凜秋岸幘欲澆
磊砢解衣深聽颼颼

墨竹

蘆葉不禁秋色柳枝那解春聲醉閱小窻
橫幅風回雨轉雲清

子昂墨萱扇為湖南楊晉母作

墨蝶巧分釵股玄蟬高綴冠梁莫厭南州
炎溽為添北戶清涼

雪谷曉行圖

過翼淒淒巖谷曠懷納納乾坤我欲相思

命駕人猶高卧局門

高彥敬遠山木石圖為紀夢符學士作

身比寒厓枯木心侶浮雲太虛落日前峯
堪隱丹青渺渺愁予

復成

黃髮蒼顏並鬢白雲青山比肩誰道風流
已矣只今圖畫依然

春雲出岫

駘蕩巫山態度悠揚洛浦精神春去侶歸

清容居士集卷四

九

閨裏月出端疑水濱

謝氏梅坡

謝家鴈行兄弟一枝偏出南州低昂肯受
殘雪瀟洒猶堪感秋

劉生還廣信省親就試

萬馬隨雲北上孤鴻趁暑南飛欲踏三山
海浪願隨寸草春暉

頤齋

多言不直杯水異味能生五兵何侶深深
閉息丹臺出日初清

禮闈倡酬 乙卯

次韻禮部李公二首

明詔傳巖谷携

入

帝京心同蛛網織意擬鵲巢營選德圭璋
器掄材杞梓楹龍門能化鯉端不負平生

又

黼坐思文渙號行鵠袍林立萃天京釣
絲已具六鼇手彩筆誰專五鳳名寶鑑懸
空深照影神鋒躍冶莫容情百年禮樂重
開運此道何須問兩生

次韻監試李仲困御史四首

高墉護脩庭列仗嚴棘闈昭代闡文治多
士舒且遲謬言職緘滕晝日深下帷昂昂
子大夫咫尺瞻天威顛罄悃欵忠少奉白
玉墀直言諒無隱寧懼菲與萋

中朝尊壽俊入徵垂安車念彼巖谷生惠
然命來趨鵬飛企天池鳳息思高梧煌煌
六籍功不與稊稗俱明皇燭遐邇遐璠璣
與璵雅詠廣棫樸仁風暢騶虞

高堂集羣英搖佩蒼玉寒朗鑑明月高雅

量滄海寬上承丹宸心舉逸脩廢官繻童
入關內芝叟辭商顏陋彼馬上翁慷慨空
溺冠
皎皎鵠袍子旅進翔廣庭明時昭曠典如
醉眸初醒稽古廼正學敢言效桓榮昌歎
詎正味咸池在希聲古去儒匪迂雍容佐
文明餘思續皇雅黼黻歌昇平

次韻郭巖卿

清穆黼坐更化絃儒館集議招列僊玉堂
射策興羣賢鵠袍賈勇思登先輪困奏牘

誰三千利若武庫森矛鋌巍如繩直清廟
堦常山之蛇首尾連胃臆結約言不愆哉
歲相國水鏡懸手捧詔墨金花鮮大為梁
柱小杙椽令嚴虎士齊烽煙游絲日靜風
翼翹羣曹坐井難觀天大鈞橐籥品物甄
代天有命司其權錙銖美醜精評詮方臯
相馬遺黃玄嫫母敢作千金妍工輸守度
成方圓萬目一口非幸然斟酌損益牛無
全慶雲五色果愚邊彤庭珠貫臚聲聯明
堂正席開九筵扶杖觀化嗟華顛煌煌龍

榜天門前金吾控騎青絲鞭夾道動色爭
駢肩詩書往昔成遺捐聲教丕合今無偏
瓦金之注同一埏慎勿逞說窮雕鐫
皇元文運齊天年

秋闈倡和 丁巳

次韻席士文御史

至道白璧重小言浮雲輕詞場次後先理
致貴坦明捧心匪正色偏師乃奇兵駢駢
白袍子昂首爭疾行味道絕嫵媚清心養
和平謇諤御史公懼我遭譏評當道謝駑

駘朝陽歌鳳鳴

次韻士文感興

宣尼倦游躅冥思立天紀洗心悟盈虛應
物合參倚羣雄爭霸盟騁意立私史崎嶇
東周君削弱絕統體約言正墜典執筆乃
託始後王迭雄長正閏亂朱紫說吻江海
深短長爭四起大羹實銅鼎玄冕表朱裏
返真非無人末派失玄理金碧騰虛空謂
是可不死或言影響功駭愕壓餘子齊居
玩芸芸作事首存悔洗心探義爰變動實

由己神珠守深淵光怪孰可比矯矯林中
鶴潔白不受耻紛紛堂下蟻聚羶亦無幾
流光企羲娥慎獨守素履之人金石心年
運任坎止中年勇聞道晚歲復未已驅車
望前川操轂敢濡軌

八月二十有二日范京尹同會秋

天使傳

召命 溫問試策貢士 賜以法

酒臣 桷等望

闕再拜以叙飲膳錄官翰林應奉

清密居二集卷四

十三

臣翼述其歌詩謹用次韻

五雲闔闔祥鸞流

紫皇御極圖神洲魏煌京師首文化計吏

四出巖阿求城南儒宮極蕭爽古木落月

凝清秋麻衣東西白鵠峙烏帽高下寒鴉

稠朱顏廣顙粲宵子佩服觴礪懸吳鈞兵

竒欲奪趙氏壁氣盛直卧元龍樓范侯機

深妙彈壓雞翹蚤歲承

宸旒傳 宣

溫訓慎去取瓦釜勿以黃金酬宮壺午傳

瑞露重翠質，鎮栗絨封周。微臣望拜感，莫語願上史館書。

徽猷百年隆，典起盛世慶。雲五色開，公侯興文云。初道任重滄海浩，渺難方舟眉山之蘇。詎常士過眼，獨賞須梅歐。夜闌心掉不得語，瑟縮凍叻歌玉休。

次韻王正臣書史試院書事二首

貢士搜天巧，經營縹緲間。露蟲吟嘖嘖，兩葉戰潛潛。董賈傳醇正，揚劉陋險艱。銓衡同水鏡，辱贈不知還。

清容居士集卷十四

十四

古殿蒼雲裏，踈星出樹間。案燈光閃閃，簷溜滴潛潛。便覺登瀛易，誰言與選艱。白頭心更苦，滄海探珠還。

次韻宋質夫應奉秋闈書事二首

廣寒清徹桂，花黃影落空庭夜。露涼七札巧，穿誰矢直六。鼇連舉我竿，長神清難入。華胥國賦古，須看古戰場。一朵紅雲傳，湛露夜深齒。頰凝天香。

草廬星列藉，寒莎欲擬隆。中事若何倚筆看，天塵境絕袞。辭翻海怒濤，多持衡要使。

心常赤題榜誰言髮盡皓
盛世崇文遍寰宇遺賢寧肯老巖阿

次韻席士文御史六首

煌煌文運起賓興撲學無知謝未能北斗
夜橫東壁正露簷危坐獨凌兢
槐木森森雲影開諸生曳履起輕埃明河
可是人間物端用乘槎八月來
文鋒鏖戰白差差沉着無聲午漏時掣海
碧鯨翻古製翔雲彩鳳吐芳辭
倚筆看天思獨難懸庭秦鏡敢歲奸東方

清容居士集卷五

五

射策三千牘姑信明時取士寬

多病支離百不堪挑燈眼眊羅清談廣寒
果有娑羅樹須踏天梯上蔚藍
烏府先生玉雪清論文冲淡去浮輕要令
我輩平如砥不使輿言負

聖明

秋闈倡和 丙寅江泚

至治三年八月十五日乘駟騎抵
榆林于時善之祭酒仲困學士伯
生伯庸二待制同在驛舍觸感增

悵今忽同校文于江浙因述舊懷
萬馬穿塵入渺茫遺臣一日九迴腸碧雲
碎碎琉璃影白月離離菡萏光鴈足無書
來海島龍髯有恨達衡湘誰知此日同文
館把手無辭醉十觴

三十年前與倪仲深泛湖作中秋
今幸同與校文中庭月色如晝短
句叙舊

昔年同泛凌風舸白眼論文屈指難楓葉
參差山影矗藕花凌亂水聲乾我方烏帽
穿黃霧君正羊裘漱碧瀾歸隱始知人世
換無端此地更憑闌

中秋東周儀之推官伯明都事兄
氣與西山爽氣高酒酣燈冷各稱豪不隨
北雪追燕騎徑上南雲踏海鼇桂醕的知
侔沆瀣蔗漿端可敵蒲萄衰年投綬慙真
隱更為君王選俊髦

汪叔濟推官鄭復初判官周本道
判官同校文江浙因思歐陽充公
王岐公事政相類不可無一言以

成故事短章述懷

長冠黑髮鴈行齊
讜對彤庭陋木雞
直以中聲生玉琯
更將五采藉玄圭
文章瞻覈期穿札
經術精深鄙印泥
我輩直須雙目炯
肯令餘子誚昏迷

次韻段省掾

妙筆翻空歷杳茫
更馳紫電騁沙場
珠璣已綴三千牘
斧藻能成十二章
易水臺高招國俊
廣寒路近裛天香
相君盛德憐鴛劣
給燭分茶與激揚

清容居士集卷四

三

再次韻

白頭歸隱髮荒荒
那識當年古戰場
文雉朝陽金吐綬
潛虬迸霧火為章
才超董賈文如織
語塵淵雲墨有香
會見彤庭冠多士
始知我輩陋宣揚

挽詩

謝尚書

學易書臺地

資州有李鼎祚讀書臺謝公治易

詞林起壯

猷家空辭蜀道祿
薄度南州

曾知封州復為廣東倉

愛石雲生坐看書
月過樓淒涼
角水曲風

竹自蕭颯

晚歲功名異蒲輪禮數温嘉謀傳竹帛肥
遜寄丘園散號南儒貴自號為勅賜南儒 裁冠北
客尊冥冥乘鶴去空想典刑存

史觀文

奕世調元貴東南第一家紫綸傳密札綠
髮擁高牙往事霜前木餘齡霧裏花陽明
真洞啓跨鶴整飛霞
故國衣冠聚凋零獨此賢勞生樂蟬蛻遺
鬼寄牛眠丹旄前官貴青箱舊物全哀榮

清容居士集卷三

六

今莫比笳鼓開晴川

李宣慰思衍

宏才卓犖聳羣雌悵望心期晚歲違江海
夜長談舌壯關山春斷客魂飛批風給月
文空在逐電追雲事竟非神理繚繚那得
盡冢頭新栢翠成圍

白首功名汗漫休一官鍛翮玩清秋終憐
惹汝難消瘴肯用蒲萄強博州萬事浮雲
今已定百年公論與誰謀羊生未洒西門
淚落日寒江水亂流

史猷父

少小昂昂意長冠脫綺襦交游金谷聚談
笑玉山扶舊雨三槐宅西風五柳湖空令
後生輩彈鋏陋為儒
妙語千年簡英姿百世期忍聞淮水絕不
見雍門悲往事雲歸壑空言水覆卮相從
今已矣寒淚滴冰澌

王尚書

秋水雙蓮孕英英吐異芬詞章納雲夢禮
樂訂河汾丹詔三軍泣清名四海聞西峯

清容居士集卷古

七

傾落日乘鶴叩蒼雲

晚歲艱難意衡門老病身蜀山迷望帝楚
澤痛靈均皮弁終辭徵深衣晚任真蓋棺
今已定千載有遺民

燕說經生濫齊諧學究輕微言空有意獨
拍已無聲墨澤雞林貴青氈虎觀榮新銘
前進士幽抱付誰明

再世登龍奮淵源許管窺西山遺正緒東
澗結冥知腹笥名空在眉梨壽竟違重歌
妾薄命寒淚滴塵瓶

楊夫人

丹桂香殘紫菊蕙轉頭何自失芳年錦裙
舊繡空為記玉軫新聲已莫傳散騎文成
殘月淚彩鸞書罷白雲仙人間總有相思
恨不用松風激澗泉

潘少白

星曆張平子丹砂葛稚川書田終晚歲酒
國送長年世味雲行水心期月印天諸郎
聞競爽蒼碣定重鐫

史湖州夫人

清容居士集卷四

辛

清白吳興守稜稜老吏師風霜塚上木玉
雪閩中儀種德桑千本傳家桂一枝春暉
有餘報遺範合蒼碑

文集賢

家聲垂宇宙更作列僊儒素粲那無傳秘
康已不孤金雞官驛暝白鷺古洲蕪不盡
修文意端從地下圖
死者不可作家兒常自嫌奉輿薊門角叱
馭越山尖猿落三更淚霜飛六月炎人方
愛嵇紹我亦愧陶潛

前朝三百載慷慨盡斯人
天地有消息江湖多賤貧
許人憐老母叱馭作忠臣
邂逅成丘首猿啼侶有神

黃夫人

錦堂鶴髮玉稜層猶是承
平舊典刑鸞誥日邊傳
御札戎鞍花外候仙輶室
如明鏡心如水庭有斑衣
案有經回首人間真蝶夢
澗松搖佩起泠泠

悼章斯遠

學道求僊二十年飲冰齧
雪竟蒼然錦機

清容居士集卷五

五

斷幅朝元賜銀燭殘膏醮
斗傳役鬼有靈符絕筆爇
金無術鼎飛鉛昨宵同我
堦前飲今日憐君地下眠

烏府先生聲侶鍾希年羅
夢喜溶溶擬看廣顙傳青
簡誰信方瞳學赤松秋月
白於銀鑿落夕陽紅侶錦
芙蓉燕山角水五千里從
此空飛滅去蹤

悼張道士

海上神山十二鬢思君疑
在有無間桃花褪水青春
急柳絮團風白日閑芸室
燈昏

螢閃閃藥壇雨冷竹斑斑
它生欲了重玄事
煩乞神膏駐好顏

吳君載

金谿人

妙年玉雪佩幽蘭
塵尾英賢接往還
萬里出門車折軸
九天無路虎當關
青燈黃卷家仍在
古木清溪福竟慳
賴有韓公三世舊
已將椽筆誌瑤環

夏昭文

晚歲心清眼界平
看雲投憤養情名
徒令化鶴悲滄海
不見迴鸞下玉京
觀物無心玄草蒹
愛吟有句墨花輕
蒼山日落簫聲急
侶有仙家白鹿迎

熊處士

三閭千古恨五柳一生賢
石護栽花徑泉分種秫田
松高青耿耿竹淨綠娟娟
欲識淒涼意埋銘手自填

危功遠道士

紅日翳黃埃騎鯨徹九垓
詩瓢風歷歷丹鼎雪皚皚
紫府調仙掌朱宮育聖胎
相期千古意獨立重徘徊

劉古昂教授

矯矯南鵬翼昂昂野鶴姿剪燈千古事彈
鋏半生詩棋罷黃梁熟歌殘玉樹萎溽雲
催雨急相送不勝悲

成都何德之處士

蒲應奉其弟子也晚居興元

江漢清秋老岷峨故國身潜川珠玑瓌韞
匱玉孚尹逸興蟬離垢癯容鶴寫神發硯
經席正炙轂辨鋒新素業書千篋幽居黍
一困非辭魯生徵自樂管寧淳水近蘋交
佩巖低溜墊巾詩清猿母泣詞整燕雛親

清河容居士集卷之五

十一

夢徃蕉疑鹿書成筆感麟山觀天外象梅
閱靜中春燐黑竟猶惓槐黃事可詢極知
情惘惘徒憶走趨趨故里傳遺藁空堂象
素真故人調鼎鼐弟子演絲綸靖節名堪
繼文中躅可循悠然端有意念此竟誰陳

吳饒公

種德槐三樹傳清桂一枝晚香年款款天
爵歲熙熙大賚開茅社殊恩辨土宜執謙
容受谷詠道樂沿沂玉帶朝元服朱顏浴
日姿菊泉便上壽橘井養清資引竹藤侵

屢看花柳拂卮跨鞍人共仰扶杖客爭疑
霜暖柑分釀年豐黍作糜黃封浮瑞露白
醉擁晴曦京國輸甘旨鄉閭表羽儀齊年
堂上扁通德里間捐謂可疇離社胡然不
慙遺烏傷情有感蟬蛻樂無涯孝養傾千
古褒榮盛一時誰成太史傳會俟侍臣碑

王秋山

翩翩玉雪養脩名絕頂穿松午日青別墅
忽迴迎客犬空林猶隱讀書螢苔荒琴薦
春無迹風攪詩瓢樹有靈萬壘蒼雲埋玉

去好將銀管寫沉冥

廬陵李主簿 應珩

青衫黯淡畫圖中鴈塔塵深進士空可恨
餘勲收汗馬極知往事費雕蟲暮年榮辱
非吾意此道升沉屬至公松竹蕭蕭自今
古清秋裁些託冥鴻

趙令人

永陽郡主
與茱萸女

靈漢雲昏彩鳳沉參差聲絕露沾巾高堂
玉樹竟芳殞寶篋金花空素陳鮫室不知
珠滴淚仙壇曾見海揚塵百年精爽真冥

會一掬清溪是劔津

吳夫人

上饒徐覺
民主簿母

玉樹彫殘浩劫遷
稜稜鶴髮獨清全
種桑不作十年計
指廩能生萬竈煙
白壁養成玄圃失
華堂歌罷板輿懸
坡陀積翠松千本
準擬飛雲歸墓田

黃如山

兵後還家意苦辛
白雲零落淚沾巾
松花趁蜜厨常淨
貝葉書經筆有神
蝸角可憐蠻氏國
鶻聲猶記蜀王身
白頭編簡成春夢
的的餘勲付後人

清江雜詩七集卷四

十三

劉伯宣中丞死三十年延祐丁巳
歲始得謚忠憲朝中各為挽詩

烏臺雲黯栢蕭蕭
秋雨聲悲北四橋
置獄可能生長倩
入門端不祭臯繇
墓前飛鳥傳新象
身後騎鯨下大招
聖代昭明青史著
願將直筆紀姦妖

東平段衛率

壯歲投鞭夜渡江
前茅親受百城降
後車長物唯書篋
別墅閑情獨酒缸
燕憶香銷

塵滿榻鶴驚琴冷月當窓傳家舊有贏金
諺手種堦前璧一雙

何德之處士

雪色鬚眉兩臉春市中能作笑雲人簪花
欲舞烏啼急放鶴初迴蝶夢真茶竈煙收
門掩畫詩瓢風動筆生塵婷婷小女思翁
醉欲剪巾紗淚滿唇

家賣烏紗染入得宜士夫咸取之

播州宣撫楊資德

掌武傳無敵崇儀續上多精忠書竹帛英
譽蓋山河絕北驚遼海投南鎮大和嚴封
網滿篋錫誥錦成窠皎皎明玕樹亭亭碧
玉柯之無文綠認宮羽短襦哦魏帝竒何
並唐皇悅李過幼成端有種

帝鑒的無頗玉帳龍韜秘青箱鳳篆摩教
民風偃草撫俗水旋渦斥境嚴銅柱征戎
指鏃戈雅遊春結佩小隊曉鳴珂士飽歌
于為軍懽醜巨羅追亡窮古澗濟勝極幽
蘿寸地歸王化羣蠻守詔科細氈侔密纊
善馬敵名馳客有依劉感人傳嗣產歌氣
融汶領雪量納蜀江波葛相切猶在韋王

事若何雲仍賢莫比君長禮無苛閉戶時
披褐看山輓脫鞵填詞鶯轉切促軫鴈聲
搓芝嶺圖空想柅源境類訛盛年真國器
妙質竟山阿世德蟬聯備家聲驥子裁播
川彌震耀峴石詎沉磨

真定史萬戶

高陽之徒也至死忽題詩而逝

一身蠶作繭兩曜蟻旋磨投筆人境忘長
嘯泉下卧

月流白羽觴風送朱絲絃欲識無生樂熟
睡三千年

清容居士集卷古

二十七

玉雪陽春五十年詩成書罷珮翩躚擬將
北斗為嬰缶不向人間酌酒泉

臨江熊君

浮湛元不礙清影透溪扉木落行雲泣山
空病鶴飛詩書誰素業江海獨天機此意
何人會哀笳慘暮暉

至治丞相挽詩次韻李仲因學士
重玄開葆命

上聖席蘿圖盛德函諸夏深仁浹八區降
靈申作翰稽古禹陳謨初日行黃道羣星

拱紫樞神羊庭辨直貪獸鼎垂模纁帛招
賢俊鋼金辟佞諛撫牀論密勿借筋契都
俞明月青銅鑑中秋白玉壺律成懸象魏
禮缺補鴻都士進三千牘姦誅十二衢彌
縫前後正損益古今殊相業專橋梓英標
瑞竹梧癡墓元有兔猛虎果非驅內坐占
華蓋中階仰泰符令嚴顙白帝漏下候黃
姑萬騎玄雲蔽羣狐黑夜呼銜枚克有約
解帶僕云痛象燬端因齒龍眠竟失珠聞
驚燧人氏事異夏區夫闡戟交馳驛重弓

清容居士集卷五

六

競接途殺青誰執簡泣血漫成湖史紀羹
臬賜經傳齒馬誅陰氛動天地遺痛感樵
蘇故壘煙攢棘荒原燐積蕪邦刑窮勦絕
陽澤起萎枯趙氏兒猶在山公汝不孤勲
名昭令甲精爽與天徒帝所隨陞降神山
辨有無

雜詩

破衣僧

撞花楮絲臬纂新廼成弊鐵裊及肉身剛
柔亦摧毀真空埽真壞大顛開大智渴欲

飲清泉飢欲思美味隨彼所願心以解真
惱累王侯與長者糞土金玉貴何以慰彼
思長壽只歡喜壽本同我衣仰箭勢還墜
堅忍及精進設衣以自譬懼彼不信我投
焰五采異老僧機已寂贊嘆非本意意絕
道始彰從此斷三世

熾盛光佛偈

寶光生虛空旋如火車輪肉眼一見之欣
怖難思議謂光由身生我身與汝同口眼
鼻舌心光亦何從出生亦無滅是縣定

慧成衆生受五濁七曜日鑒臨四餘在虛
空摩盪不暫停列宿直四方好樂各有職
或增彼貪嗔或增彼淫慾居處各侈靡恣
飽窮膏脂天神與魔鬼行住陰伺察爰假
躔次環俾汝作疾忒佛言彼有罪須當盡
懺悔若更攘割之安得名慈悲矧此缺陷
世植果會有因臯既從是消福亦從是增
般若無損益萬念墮積劫還彼清淨根衆
生永安樂

綠陰堂山偈十首奉寄開元斷江

長老

綠陰堂前碧樹齊千枝萬枝雲萋萋生臺
不令鷓鴣舞禪板時許倉庚啼
綠陰堂前春筍生大着錦棚小織成老禪
一一點頭角要使參天來鳳鳴
綠陰堂前初夏涼芭蕉為扇椒為漿日汲
井華三百斛側聽漁父歌滄浪
綠陰堂前古佛身劫火不壞金色新笑殺
丹霞斷知見暖得病軀生障塵
綠陰堂前萬境空掩息不語超鴻濛有人

清容居士集卷五

三

立雪問大意山神泣走號寒松

綠陰堂前自在時不拈公案不題詩僧來

住夏與竹杖客去逢春贈柳枝

綠陰堂前秋葉彫湖翻白浪魚龍驕我有

鐵鉢水一勺彈指送爾歸扶搖

綠陰堂前夏木清千紅掃盡雲層層有僧

忽問栢樹子斫却栢枝僧始應

綠陰堂前結小叅以手直指車司南現前

虛空付大梵過去功德歸瞿曇

綠陰堂前合自然不學吟詩不學禪應許

清容老居士睡盡高春猶愛眠

還源菴

沃焦山下水歸東端與銀河一點通誰信
道人能掩息手提渾沌擲虛空

清容居士集卷第十四



